



ARGUMENTUM.

Gualterus Pedemontij Marchio Grifeldem ex stirpe & fortunis imparem sibi connubio junxerat, utq; charæ adeò sibi Conjugi fidem periclitaretur, susceptam ex ea geminam sobolem, masculam unam, foemellam alteram tanquàm paternæ hæreditatis incapaces ad cognatam suam Comiti Panicio nuptam dimisit. Sparsâ subinde famâ utramque Prolem vitâ sublatam, Ipsumq; Gualterum moliri divortium: Utq; magis involve- ret amoris fabulam majori gaudio evolven- dam, ipse Marchio Romam se sollicitasse fin- git, obtentamq; à summo vicario novæ Con- jugis ducendæ Copiam coram Palatinis Gri- feldi

feldi exponit, cumq; illa jam in via sit, hanc sua repetere jubet. Paruit Grifeldis, cunctisq; illacrymantibus, sola suam eodem vultu Caulam repetijt, quo ante aulam petierat. Paucos tamen dies paternum mapale tenuit. Vix enim rumor nunciat Panicij Comitum nova cum Sponfa adventum, Grifeldis à Gualtero revocatur, ad curam tamen & vilissima Domûs obsequia (ut amplior vulnerum materies amplius Fidem probaret) novæ nuptæ præstanda. Præstitit illa, advenientemq; detrito habitu, qui ancillarum esse solet, de genu dominam salutat : sed non potuit jam ultrò larvam ferre Amor : ô mea! Exclamat Gualterus fatis tentata es, monstratisq; liberis, quorum illa Sponsæ, hic Cognati partes egerat, hi tui sunt inquit, filius hic, illa filia : renovatoq; fidei Sacramento majores primis secundas Nuptias, plausus, gaudiumq; excepere. Ita Petrarca pag. 607. de fide uxoria. Cætera Poësis addidit.

PRO-